

Nhengeletano

Swiletelo swo angarhela swa
tinhlengeletano hi nkarhi wa
ntungukulu



#UnityinAction

Xana nhengeletano i yini?

Nhengeletano swi vula xiendleko lexi kunguhateriweke kumbe xa xitshuketa, endzeni ka miako kumbe ehandle ka miako, ku ri na nhlayo yitsongo ya vanhu lava tekaka xiave, kumbe nhlayo leyikulu ya vanhu lava nga ta.

Swikombiso swa tinhlengeletano, letitsongo kumbe letikulu, ti katsa xiendleko xa muganga, khonsati, fesithivhali, khomferense, pharedi, mucato, kumbe xiendleko xa mitlangu.



Tinhlengeletano ti tisa nxungeto eka vangheneri hi nkarhi wa ntungukulu hikuva kotala loko munhu a ya eka tinhlengeletano na swiendleko, na ku leha ka nkarhi wa min'wangulano, nxungeto lowu nga tshukaka wu va kona wa ku tluleriwa hi vuvabyi, na ku tluleta van'wana, hi COVID-19, wu ta va ehenhla.

www.solidarityfund.co.za

Tilevhele ta nxungeto lowu nga tshukaka wu va kona (kusuka eka Tisenthara ta Vulawuri na Nsivelo wa Mavabyi)

Nxungeto wa le hansihansi



- Migingiriko, swiendleko na tinhlengeletano ta le moyeni ntsena.

Nxungeto wo tala



- Tinhlengeletano ta le handle ka miako letitsongo leti eka tona vanhu kusuka eka miti yo hambana va tshamaka eka vundhawu bya 1.5m ekule na le kule, va ambala xipfalaxikandza, a va avelani michumu, naswona va huma endhawini ya muganga wun'we (muganga, doroba kumbe dorobakulu).

Nxungeto wa le Henhlanyana



- Tinhlengeletano ta ku ya ka vanhu va nhlayo ya le xikarhi leti ti lulamisiwaka/ kunguhatiwaka ku pfumelela vanhu ku tshama eka vundhawu bya 1.5m ekule na le kule, van'wana va ambala xipfalaxikandza naswona va huma ehandle ka le ndhawini ya muganga (xik., muganga, doroba kumbe dorobakulu)

Nxungeto wa le henhlahenhla



- Tinhlengeletano ta le ndzeni ka miako ta ku ya ka vanhu letikulu laha swi tikaka eka vanhu ku tshama eka vundhawu bya mpimohansi wa 1.5m ekule na le kule, a va ambali swipfalaxikandza naswona ku na nkhluko wutsongo wa moya kumbe ku nga ri hava naswitsanana.

Ku tisirhelela eka mixaka hinkwayo ya tinhlengeletano:



- Ambala xipfalaxikandza, lexi funengetaka nhompfu na nomu.



- Siya mpfhuka exikarhi ka vanhu



- Hlayisa nkhluko wa kahle wa moya



- Kutla sanithayizara kumbe u hlamba swandla nkarhi na nkarhi

Ku lawula tihlengoletano ku hunguta nxungeto wa mitluletavuvabyi kumbe ku tumbuluxa swiendleko swa swihangalasikulu



- Vini kumbe valawuri va switirhisiwa swa le ndzeni ka miako kumbe swa le handle ka miako laha tihlengoletano ti endlekaka kona, va boheka ku komba xitifikhethi xa ku tirhisa ndhawu, lexi xi hlamuselaka nhlayo ya mpimohenhla ya vanhu lava muako lowu wu va pangaka.



- Ehansi ka Levhele ya 1 ya swinawana swa COVID-19, hambileswi tihlengoletano ta swa ripfumelo, swa vukhongereri, swa ta ku hlangana ka vanhu, swa tipolitiki na ta swa mfuwo hinkwato ti pfumeleriwa, mpimohenhla wa 100 ra vanhu ntsena hi vona va nga ha hlengoletanaka eka tindhawu ta le ndzeni ka miako.



- Tindhawu ta le handle ka miako, nhlayo ya vangheneri yi nga tlakuka kufika eka 259 wa vanhu loko ku sityiwa ka mpfhuka exikarhi ka vanhu swi hlayisiwa.



- Eka swiendleko swa le handle ka miako eka tindhawu letitsongonyana, ko va ntsena 50% ta vundzeni byi nga ta tirhisiwa.



- Ku ya eka tindhawu ta ntirho swi pfumeleriwa ntsena loko milawu ya COVID-19 yi landzeleriwa.

Tihlengoletano etihodela, tiloji, tiB&B, tirhizoto ta vuwiselo bya nkarhi lowu pimiweke na tiyindlu ta vayeni




- Tikamara hinkwato eka miako leyi ti nga ha tirhisiwa, kambe tikhasimende ti boheka ku hlayisa 1.5 wa timitara ekule na le kule eka tindhawu to vanhu hinkwavo.



- Ko va ntsena mpimohenhla wa 100 ra vanhu va nga tirhisaka ndhawu ya khomferense, na kufika eka 250 wa vanhu eka tindhawu ta le handle ka miako.

Ku hlengeletana etisupamekete, emavhengeleni, eswitolo swa girosa, etimakete ta matsavu na le tikhemisini:



- Loko tindhawu leti ti ri titsongo kutlula mpimo ku rhurhela vanhu lava pfumeleriwaka (100 ra vanhu) ko va ntsena 50% ta vundzeni bya ndhawu byi nga ha tirhisiwaka.



- Nhlayo ya mpimohenhla ya 100 ra vanhu yi boheka ku katsa tikhasimende na vatirhi lava va bohekaka ku landzelela magoza yo sirhelela ya vuhlayiseki ya COVID-19 hinkwawo.

Tinhlengeletano eka migingiriko ya mitlangu



- Ko va ntsena vatekamahungu, xipano xa rhadiyo na xa thelevhixini, varindzi, vukorhokeri bya vutshunguri bya xilamulelamhangu, na vatirhi lava lavekaka lava thoriweke hi vini va ndhawu va pfumeleriwaka mfikelelo eka xiendleko xa mitlangu.



- Ko va ntsena nhlayo leyi lavekaka ya vatlangi, tiofixiyali ta meche, vatirhi va nseketelo na xipano xa swa vutshunguri va lavekaka eka xiendleko xa ntlangu, va pfumeleriwaka eka ndhawu leyi.



- A ku na vahlaleri va pfumeleriwaka eka ndhawu leyi.



- Swiendleko swa mitlangu swa matiko ya misava leswi khumbaka matiko lama nga na mpimo wa ntluletavuvabyi wa COVID-19 na mpimo wa ntluletano wa le hansi kumbe wa le xikarhi swi pfumeleriwaka.



- Muofisiri wo sindzisa nawu, laha nhlengeletano leyi tlulaka swinawana leswi yi humeleleka, u boheka:
 - ku lerisa vanhu lava nga eka nhlengeletano leyi ku hangalaka xikan'wekan'we; naswona
 - loko vanhu lava va ala ku hangalaka, u teka goza leri faneleke, leri ri nga ha vaka, ku ri karhi ku landzeleriwa Nawu wa Maendlelo ya swa Vugevenga, ku katsa na ku khoma na ku pfaleriwa exitokisini ka munhu wihi kumbe wihi loyi a nga eka nhlengeletano leyi.

Mikosi

Kusukela 1 Nyenyankulu 2021, swiletelo leswi landzelaka swa tirhisiwa:



- Ko va ntsena 100 ra vanhu kumbe ehansi va nga ha yaka enkosini.



- Loko ndhawu yi ri yitsongo kutlula mpimo eka 100 ra vanhu, kutani ko va ntsena 50% ta vundzeni bya ndhawu byi nga ha tirhisiwaka.



- Hinkwavo lava yaka va boheka ku ambala swipfalaxikandza na ku hlayisa mpfhuka wa 1.5 wa timitara ekule na le kule.



- Mirindzelo a yi pfumeleriwi.




- Vayoweri va nga ka va nga yi eka tinhlengeletano ta le ndzhaku ka nkosi.




- Nkosi wu pimeriwile kufika eka tiawara timbirhi.

Mitolvelo ya tingoma/tikhomba


Swiendleko leswa mfuwo swa nkoka swi pfumeleriwa ntsena loko:




- Endzhaku ka ku hangalaka ka ngoma/ku huma ka khomba ("imigidi") mitlangelo ya pfumeleriwa kambe yi pimeriwile kufika eka 100 ra vanhu kumbe ehansi eka tindhawu ta le ndzeni ka miako.



- Loko ndhawu yi ri yitsongo kutlula mpimo eka 100 ra vanhu, kutani ko va ntsena 50% ta vundzeni hinkwabyo bya ndhawu byi nga ha tirhisiwaka.



- Ko va ntsena mpimohenhla wa 250 wa vanhu wa nga ha yaka eka swiendleko swa le handle ka miako loko ku siyiwa ka mpfhuka wa 1.5 wa timitara swi nga landzeleriwa.



- Loko ndhawu ya le handle ka miako yi ri yitsongo kutlula mpimo ku pfumelela xivandla xa 1.5 wa timitara ekule na le kule, ko va tsena 50% ta xivandla xi nga tirhisiwaka.

Rheferense

<https://www.gov.za/documents/disaster-management-act-regulations-alert-level-1-during-coronavirus-covid-19-lockdown-18>